

點石縮印  
小題真珠船發售  
本齋揆近時各省試稿、繆稿、社稿、館各書院課稿，專撫小題搭題博取約收，精加選擇，均以出色當行為準。得文一萬有奇，顏曰「真珠船」，凡坊刻之小題文，綠文、環珠、林淵、海等書一概不收。即名家陳文亦從刪，愛加以繕寫精工，校勘詳審。在羊城點石書局承印，先刷三千部，每部分裝十本，其大小款式俱備。土洋縮本多寶船一體計期，本年四月內即能告竣發售。如有欲全盤買受或分號零沽，均無不可。合式者請至粵東羊城西關十五甫外多寶街織墨齋面議。

三月十三日 粵東織墨齋主人告白



選錄

喜昌片 再查宣化古北兩軍從前在庫防守該營應需柴薪皆由車臣漢圖什業圖漢沙畢三處供給每木柴一根給價銀三分三厘十餘年來辦理無異上年夏間吉林官兵到庫人地生疎不諳蒙語該官兵日需木柴難以採辦奴才查庫倫蒙古半多閑居無業生計維艱若運送柴薪亦可得價銀口是以奴才會商那穆濟勒端多布仍照現在宣化防軍買柴章程傳令三處蒙古運送定每根柴重四十五斤付價銀三分六厘均按月交兩部派員及沙畢具領給發迨至十月間據營務處委員等稟本營日用木柴該三處有發價者亦有派令運送不給價者等語奴才隨即傳詢三處辦事人等據通事傳說所領柴價俱按三節付給運柴蒙古不敢無難惟奴才日在病中又不曉蒙語恐官兵既出柴銀而蒙古未得實惠當即傳令三處務照本營所付之價隨時付清不准藉端扣留致受勞累維時值隆冬雪深理應外來官兵無處僱車輻輳營中木柴仍令三處暫行運送迨至春間冰消融化即令營夫赴山運柴等因札知在案又庫倫地方除羊肉以外並無別項菜蔬乃羊隻蒙古買賣者價銀在七八錢左右官兵一買每羊一隻竟敢要銀三四兩不等向來蒙古供職外人是其慣習奴才囑令營務處商之公衙三等台吉車林多爾濟代買羊三千隻該台吉將自已羊賣與一千隻其餘二千隻在圖庫兩部落買妥定每隻羊價銀一兩三錢奴才飭令營務處先付價銀後取羊隻嗣後沙畢見羊價向昂亦願承買奴才因思羊隻足敷半載之用故未允准現在吉林官兵遣撤在即所有該軍到庫以來所用木柴羊隻銀兩均已付清並無欠取有兩部派員及沙畢三處印領存照在案以外毫無繁瑣地方之處除咨理藩院外理合附片陳明伏乞 聖鑒謹奏奉 旨知道了欽此

裕祿片 再泗州直隸州知州胡有誠稟請回籍終養業已照例咨報開缺所遺員缺應即委員接署以重職守查有候補直隸州知州李祖福勤慎幹練堪以飭委署理據藩臬兩司會詳前來除飭遵外謹會同大學士兩江總督臣左宗棠附片具陳伏乞 聖鑒再所遺泗州直隸州知州係沿河繁疲難題調要缺安省現有應補人員應請留外遴補合併陳明謹 奏奉 旨知道了欽此

○頭品頂戴貴州巡撫臣林肇元跪 奏再據署藩司松長詳稱據清鎮縣知縣譚體道轉詳同鄉官候補知府曾鴻雲等移稱查有同鄉候補知府周榮先之母周姚氏於道光十八年適周長魁為室值衰姑病篤該氏侍奉湯藥衣不解帶累月姑死盡孝極哀事如禮逾年周長魁瘵疾該氏焚香誓願身代前到曾和蔡以進疾立愈二十三年周長魁病故氏年

京報

二十五歲距夫死七日生遺腹子榮先遂茹苦守節矢志撫孤卒使其子成立現年六十三歲計守節三十八年又周榮先之胞伯母周李氏於道光十年適周長桂為室事姑相夫克盡婦道十四年周長桂病故氏年二十三歲未生子女痛不欲生嗣以姑衰多病侍養無人乃含悲誓葬姑以居無何姑歿願以身殉因予未立經族中勸慰為之擇繼甫完娶而後復為立孫而孫甫生子連誤旋亦病故三世孤孀相依洵為一門苦節該氏現年七十歲計守節四十七年該員等謹切桑梓見聞確切移由該縣造冊加結申經該司詳請核奏並懇 賞給雙節同堂字樣以勵世俗而維風化等情前來臣查周姚氏等守節年分與例相符合無仰懇 天恩俯准 旌表以彰苦節出自 鴻慈除冊結咨部外謹會同署雲貴總督臣岑毓英合詞附片具陳伏乞 聖鑒訓示謹 奏奉 旨均着准其旌表禮部知道欽此

生死交情 某甲新會縣人寄寓城西十五甫父母歿時遺有萬金產業至其不務生計揮霍如土不十年而貲財耗盡其所相與者猶未知也迨至去臘迫迫日其妻向不受人陵辱暗服阿芙蓉膏以死家徒四壁子女成羣其婦守之妾年纔二十餘歲有平日密友二人皆茂才也常以正言相勸而某婦恣意淫佚迨後貧無立錫二茂才力任殯葬之事并商及朋儕俾其後又向富戶為設保節會每月各助銀二錢以三年為期俟其子長成現月中得免飢寒皆二友之力也

○捕盜安良 番禺新安等縣現傳盜賊猖獗肆行劫掠省憲深以爲憂昨札飭鄧保臣鎮軍統帶兵勇馳往緝捕俾閭閻得資保護地方藉以平安焉

中外新聞

論和約宜詳為修改 西人來商中土皆恃和約以昭信守而沾利益其在初立之時中國辦理外務者多未諳悉西例且為兵力所迫脅惟求目前得以安靖即以爲事已妥協故每爲西人所持而不知商務愈廣弊實愈滋其西國見爲利者即中國見爲害也蓋事勢無常人情變幻和約所已言者向思有所影射以圖市利若和約既未及詳則更可以明目張胆爲所欲爲而莫奈之何矣如廈門開港鑄錢一事地既屬於租界名又冒以西商方謂彼自濬其利權擅其利權原與中國無涉也和約具載中國又安得而禁之然亦思中國稅課向以鹽鐵爲大宗鹽自設有權憲而鐵亦承有專商其賴以爲利者皆藉藉於西商固甚鉅而至重也乃自廈門租界開辦鐵爐二所悉爲華人之隸西籍者而擅把持而向日鐵商轉因稅釐過重販運難以得利不復開鑄繼有轉商於租界鐵爐託其代造代運以省稅釐以覓贏利而充商一項遂因以廢國家稅課由是因做不堪周知所底止此不特攪奪中國之利抑且大爲中國之害也惟和約未明言故官欲查辦轉多顧慮而畏首畏尾不敢遽發難端蓋明知其議事未舉而行而管利之華人必挑唆西商爲之出頭逕向總理衙門理論而議者不察將謂爲喜事選費大干不便也故近來辦理中外交涉事件者率皆隱忍遷就以求事免決裂而不復顧惜國體備地方至於奸狡滋生明知遺害無窮亦以有所推諉竟若熟視而無睹焉如廈門之事可爲長太息者也竊以爲辦理洋務須得其人而必自慎議和約始從前中外際隔彼此情形均未諸悉固無論矣惟查和約中皆載有年限凡有不便可以屆期修改務在兩國有利則與有害則除並無一國享其利而一國受其害之理持論本甚公平朝廷似宜通飭設有口岸之直省督撫諭令辦理洋務人員留心訪察凡屬租界舉行之事有害於國計民生者逐款詳記按月呈報俾得察覈移咨總理衙門以備存查及屆修和約之期又復選派熟悉洋務通曉西律之人逐事講求可則准行否則力拒勿使顛覆了事致西人得有所藉口以謀爲我國之不利蓋和約既立必須示遠邇俾知遵守西人前來中土本欲謀利非以義相慕悅也又非以德相感乎也可增其利權專其利數則百計圖謀以求所欲甚且恃其勢力遙相恫喝而不肖之華人復從而藉其名號上以扶制官長下以誘迫人民而地方從此多事故我欲彼此相安必先奪其陵侮之心繼其欺詐之計然後開誠心布公道昭然使有條約與之遵守苟有抗拒亦可我用法而不虞其反唇以相稽也語曰亡羊補牢未爲晚也見鬼禱犬未爲遲也居今日而欲撫柔遠人使就我範圍受我羈勒而不生意外之變則詳慎以修改和約是亦補牢顧犬之策豈晚也哉豈遲也哉

美國郵報 西歷四月初二日紐約遞來信息云是處有新開紙館僱華人某甲充當採訪之職此乃創舉也紐約一埠新聞紙館雖多未有用華人爲此職者蓋以某甲於華英二國語言文字均所通曉故破格以用之也

○美都郵音 美國華盛頓都城信息云是日有外務人員將檀香山某大臣遞到文報呈諸庫務署內開現據道路傳稱由俄國定議嗣後凡有中國糖付船運至檀香山某行運往美邦者概不再令輪船納稅云云惟本大臣細查此說前不知從何得來俄國並未議及於此想是好事者爲之耳特此照會俾得佈告週知勿爲浮言所誤焉

○美國火災 西歷四月紐約信息云是處有某屋偶失慎驟致燎原及火撲滅則燒去屋宇約有千餘棟共值銀二百萬磅矣真非常之災也

○潛河近聞 西歷四月九日美國芝加哥城信息云美國水師大臣遣有武弁律渣士前往巴拿馬察看開濬河道情形據回署稟覆謂此河工程計自押關的海之利門港口開掘縱則有四十四百名附搭蘇士火船前赴檀香山其有人爲之招攬者即抑自願樂郊之適耶吁可慨已

美洲郵音

西歷四月阿美利加州南境柯多華城信息云是月四日下午有匪徒潛登差館瓦面拋擲炸藥入內霹靂一聲火光迸發適爲巡差所見急即逃避於石柱之後得免於厄及將火撲滅而匪徒早已遠颺事聞於官飭差嚴行緝緝務獲匪黨以正典刑而昭炯戒然並無踪跡跡跡若鴻飛冥冥其何慕矣

○金山郵音 西歷四月六日舊金山遞來郵筒云聞有管理國家義學總辦特倡一議謂嗣後中國學徒前往美邦肄業者概勿准其得入國家書院受業蓋查美邦定例並無專設教授華童之條故此項脩金向未給發若准華童來學則爲之師者得難兼顧且有類於舍其田而芸人之田也按此人所議似亦合理然意見之狹隘志趣之鄙陋已可想見於語言之表矣豈僅瞻域之見未能除也哉

○西班牙國郵音 西班牙國密地列都城信息云西班牙朝廷昨遣軍兵兩隊馳往新達羅士巴摩地方驅其官吏撫其人民而收入版圖據爲己有焉

○美洲郵音 西歷三月二十七日美洲巴拿馬地方信息云是處開濬河道工役雲集亦聞有僱用土人者惟每因事爭執致滋釁隙昨有漢美加土人與吉達尼亞土人始而角口繼而互鬥官差雖出而彈壓亦置弗恤如兩軍對壘誓不不休焉現濬河工程經已停止土人陸續購買鎗炮以決勝負是亦事之可駭也

奧國郵音 西歷四月初六日奧國維也納都息信息云昨有亨加理亞人七百五十名由布高威拿處前來赴食聞向有二千人在於途中陸續前來以謀餬口又有二萬人擬欲擇土俾得我所蓋因是處年穀不登民無得食也

○法國郵音 西歷四月初旬紐約遞來郵筒云昨接到法國巴黎士都城信息云得悉法國各處黨人因羅士獲悉路黨被官拘究皆不勝憤激奮然思動擬揭竿而起以與官差爲難昨有匪徒潛約其黨夜間會集以謀舉事官差偵知亦無如何惟密視所爲嚴爲戒備而已匪黨又約於利和理處聚會爾時赴會者共有三千人法廷得聞此耗懼有意外之變特飭官弁諭知軍兵時常預備調遣現有兵三萬人恒在營中若一接有警報即可



英國 戒煙精粉功用說 戒煙精粉者乃本局獨得秘法 不惜工本務期剋制洋煙之癮無碍吸煙之人令其 自然戒斷永無後患與別家所售戒煙諸藥迥不相 同歷蒙 中國列位大學士督憲撫憲各大人獎譽 幸已京省馳名矣惟近日妒忌者佈散謠言似謂服 此戒煙雖斷癮而難保無虞等語則大負本局立心 與 中國除害之意況且服此不獨斷癮兼可令人 健飯身體日壯請看以下容君緝照辨惑論與抄釋 中外西報自爲了然幸勿爲浮言所阻致誤有志戒 煙者之大機會也於本局實爲厚望焉 每包銀七三

審緝照辨惑陳情論 蓋聞說言之起以惑而生謠詠之興非詳莫辨僕身受屈君之德耳聞屈君之讒 德國不敢忘讒尤不敢諱也憶僕以煙實痼癖失足英年日月遷流羈身廿載自戊寅歲春夏之間忽悟 迷機苦脫籠而無術思登彼岸縱呼楫以何能不意買棹驚江旋識風君之面竟爾將航渡世務期伸已 之忱遂惠我以靈丹起沉痾於反掌固已恩額頌頌藉日報以揚名澤本肌淪異風聞而紀實矣乃者人 言伐異衆論黨同謂丹靈功高縱挽沉淪於一旦恐黃泉路近空悲拜賜於三年僕爾時聞語心驚撫躬 色變既將疑而將信詎不懼而不憂無何三易炎涼駒光屢過而幾經霜暑馬齒仍增轉覺體健身強不 必向青囊而藥乞神清氣朗無虞當白晝而履繩東坡老今又重來諸葛君依然不死在人則幾疑再世 在僕則實冀二天則所謂善藥復萌移花易萎固水未落而石已出瓦遠解而冰旋消者也僕有意共渡 迷津不惜殷勤剖白願同人早離苦海無妨亟切垂青將救難除災覺濟世尙多寶筏俾醉生夢死知隨 時可放屠刀則僕今日之言固以誌一己之歡亦以造斯人之福豈特爲屈君解嘲破曉而已哉 己酉

抄譯中外西報 選錄辛巳年廿一日中外新報有苦海慈航一段係由西 字新報繹出據稱英國駐川領事巴公名嘉者由四川重慶郡寄信來云 言及鴉片久爲中國患他常疑無藥物可戒不料於公餘遊歷至郡境左 近之志和營見有操舟人久染煙癖欲戒無由屢服中國戒烟丸散雖覺 小效而引終難斷且因戒烟之故致染沉痾幾罹不起無何而本局戒烟 精粉至川該舟人聞此洋藥善能戒烟得未曾有又以其名與白礪粉及 各款藥粉不同其功用自異遂購而服之不旬日老癮戒斷巴公目擊其 事不禁深心歎服本局精粉爲獨出神奇故郵寄此信託新報館錄入特 爲華民之染煙患者告云審是則精粉戒烟奇效不獨中國官商見賞今 又爲外國遠宦所嘉可知並無僞飾凡有志戒烟者請勿懷疑觀望可也 謹啟

香港 英京 省城 上海 福州 小宋 屈臣 氏大 藥房 謹啟



